

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საიამ პარლამენტს ადგილობრივი თვითმმართველობის კოდექსის პროექტზე წერილობითი დასკვნა წარუდგინა

კანონპროექტის პირველი მოსმენით განხილვის ფორმატის გათვალისწინებით, საიამ პარლამენტს ადგილობრივი თვითმმართველობის კოდექსის პროექტთან დაკავშირებით მოსაზრებები წარუდგინა. უპირველესად, ხაზს გავუსვამთ იმ გარემოებას, რომ წამოწყებული რეფორმა თავისი არსითა და მასშტაბით უმნიშვნელოვანესად მიგვაჩნია. ადგილობრივი თვითმმართველობის ის სისტემა, რომელიც დღეისათვის მოქმედებს, არ არის საკმარისად გამართული, გადაწყვეტილებათა მიღების პროცესში მოქალაქეთა

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ჩართულობაზე საკმარისად ორიენტირებული და არსებობს მისი ცვლილების საჭიროება. შესაბამისად, საია მხარს უჭერს წამოწყებულ რეფორმას.

რეფორმის მნიშვნელოვნებიდან გამომდინარე, აუცილებელია ის ინტენსიური დისკუსიების ფონზე წარიმართოს, ხოლო დაინტერესებული მხარეების ჩართულობა უზრუნველყოფილი იყოს.

კანონპროექტში წარმოდგენილია რამდენიმე დადებითი ინიციატივა, რომელთა შორისაა ყველა მუნიციპალიტეტში მერებისა და გამგებლების პირდაპირი წესით არჩევითობა მოსახლეობის მიერ. ამავდროულად, კანონპროექტში არის გარკვეული ხარვეზები, რომლებიც სამომავლო მუშაობასა და აღმოფხვრას საჭიროებს. საიას მიერ პარლამენტისათვის წარდგენილი წერილობითი დასკვნა იხ. მიბმულ დოკუმენტში.